

Transkription von Urkunde SDL 1489a

Ort, Datierung: Stendal, 1489-09-11

Signatur: Stadtarchiv Hansestadt Stendal, U1, 69c, Gildebuch der Tuchmacher, Bl. 9v

Inhalt: Rat der Stadt Stendal: Bericht über Einigung der Lakenmacher und Vuler

Vor de Radtmanne sint Jege(n)wardich gekome(n) De lake(n)maker / ghuldemester van ores ghulde wegen vn(de) hebben ghesecht / Dat sze sick myt den fulremesteren vor dragen hebben / dat neyn vulre inder mesterygen lake(n) schale karden ofte / karden laten anders wen myt karden alszet van older / wonlick gewesen isz we anders dar wedder dede vnde myt / jszeren grempelen kardede edder karden lete Szo vake he / dat dede scholde he vor eyne Jewelike reysze x S(chillinghe) vor / vallen sin dat sulue de vulremeister de ock Jege(n)war=/dich gewesen sin szo beke(n)ne(n) ghewillet vn(de) ghefulbord(et) / hebben , Bidden dar v(m)me sick szodans gelick anderen arti=/culen ores gildebreyes to confirmeren De Radt hebbent en / ock also vort nach gũdeme Rade confirmeret vn(de) bestediget / by pene vor berurt to holden Der Stad vnde gulde like / to deylen Ghe screuen am(e) frigdage na natiuitatis / marie v(ir)ginis anno d(o)m(ini) lxxxvx^{ten}